



Inatsisartunut ilaasortaq Jens Napātôk'
Partii Naleraq
/MAANI

Ugguuna nassiussaq: inatsisartut@inatsisartut.gl

**Inuussutissarsiornermik Nakkutilliisoqarfimmi akisussaaffeqarfinnut
tunngatillugu § 37 naapertorlugu apeqqut nr. 134-mut akissut**

13-07-2018
Sagsnr. 2018-1132

Asasara Jens Napātôk'

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu Inuussutissarsiornermik Aqutsisoqarfimmi akisussaaffeqarfinnut pillugu Naalakkersuisunut apeqquteqarputit ataaniittoq tunngavilersuut ilanngullugu. Apeqqutit uannut akineqartussanngortinneqarsimapput.

”Kalaallit Nunaat Naalagaaffinngornissaminut/Namminiivilinnissaminut piareersarpoq, tamannalu tunngavigalugu pisariaqarpoq Inuussutissarsiornermik Nakkutilliisoqarfiup Kalaallit Nunaannut nuunneqarnissaa. Inuussutissarsiornermik Nakkutilliisoqarfik akisussaaffigisariaqarparput oqartussaaffigalugu.

Nuna allamiut akisussaaffeqartitaanerat oqartussaaffeqartitaanerat tulluarsorinangilaq, taamaattumillu piareersarneq isumanga naapertorlugu aallartittariaqarluni. Partiit amerlanerpaat kissaatigaat inuussutissarsiornermik aalisakkt avammut tunineqartartut eqqarsaatiginerullugit nalitusaaneq eqqunneqartariaqartoq, Inuussutissarsiornermik Nakkutilliisoqarfik Kalaallit Nunaannut nuutinneqarpat periarfissat Nunarsuarmioqataanermut toqqaannartumik niuernerup ingerlanneqalersinnaanerata matup matoqqasup ikersinneqarnissaa anguneqassammat.”

**Apeqqut 1:
Naalakkersuisut ukiumi 2018-2022 Inuussutissarsiornermik
nakkutilliisoqarfiup Kalaallit Nunaannut nuunneqarnissaa
sulissutigilersaarpaat?**

Akissut:

Tunngavilersuutinni immikkut ittutut nerisassanik aalisakkanillu tunisassiassanik nalitusaanerit eqqaagakkit Inuussutissarsiornermik Aqutsisoqarfiup nerisassanut imaluunniit aalisakkanik tunisassiassanik nalitusaanermut tunngasunik suliasanik isumaginnittannginnera aallarniutigalugu oqaatigissavara.

Inuussutissarsiornermik Aqutsisoqarfik nalinginnarmik ingerlatseqatigiiffinnut tunngasunik pingaarnerusumik suliasanik isumaginnittartuuvoq, ilaallutik

ingerlatseqatigiiffinnik nalunaarsuisarnerit, Qitiusumik Suliffeqarfinnik Nalunaarsuisarfiup ingerlatarineranik ilaalu ilanngullugit.

Piffissami matumani suliassanik, Inuussutissarsiornermik Aqutsisoqarfiup isumagisaanik tigusaqarnissamik Naalakkersuisut salliutitaqanngillat.

Nunami namminermi nerisassianik niuernermi misissuillunilu nakkutilliineq tamakkiisumik tiguneqarsimanera oqaatigineqassaaq, avammulli nerisassianik nioqqutissanik misissuillunilu nakkutilliineq Kalaallit Nunaanni Uumasunut Nakorsaarfik Inuussutissarsiornermullu Oqartussaqaarfiup aamma Inuussutissat pillugit Aqutsisoqarfiup (Fødevarestyrelsen) akornanni suliassaalluni.

Apeqqu 2:

Inuussutissarsiornermik Nakkutilliisoqarfik Kalaallit Nunaannut nuunneqassappat, suut nuunneqarnissaanut sinaakktissat pisariaqartinneqarpat?

Akissut:

Qulaani taaneqartutut suliassanik Inuussutissarsiornermik Aqutsisoqarfiup isumagisaanik tigusaqarnissaaq salliutinneqanngilaq. Taamaattumik sinaakktissat sorliit pisariaqartinneqarpat erseqqinnerusumik nalunaarsuineq aamma suliarineqarsimanngilaq.

Apeqqu 3:

Inuussutissarsiornermik Nakkutilliisoqarfik Kalaallit Nunaannut nuunneqassappat, aningaasat qanoq annertutigisut atorfissaqartinneqarpat?

Akissut:

Qulaani taaneqartutut suliassanik Inuussutissarsiornermik Aqutsisoqarfiup isumagisaanik tigusaqarnissaaq salliutinneqanngilaq. Taamaattumik ilassutitut aningaasaliissutit sorliit pisariaqartinneqarpat erseqqinnerusumik nalunaarsuineq aamma suliarineqarsimanngilaq.

Apeqqu 4:

Inuussutissarsiornermik Nakkutilliisoqarfik Kalaallit Nunaannut nuunneqassappat atorfillit sunik ilinniarsimasut pisariaqartinneqassappat?

Akissut:

Qulaani taaneqartutut suliassanik Inuussutissarsiornermik Aqutsisoqarfiup isumagisaanik tigusaqarnissaaq salliutinneqanngilaq. Taamaattumik immikkut suliaqartussat sorliit pisariaqartinneqarpat erseqqinnerusumik nalunaarsuineq aamma suliarineqarsimanngilaq.

Inussiarnersumik inuulluaqqusillunga


Aqqalu Jerimiassen